

म॑ष्ट्यै । भुवो॑ दे॒वानां॑ क॒र्मणे॑त्यृ॒तुदी॒क्षा जु॑होति । ऋ॒तू-
ने॒वास्मै॑ कल्पयति । अ॒ग्नये॒ स्वाहा॑ वा॒यवे॒ स्वाहेति॑ जु-
हो॒त्यन॑न्तरित्यै ॥ २ ॥

अ॒र्वाङ् य॒ज्ञः स॒ङ्ग्राम॑त्वि॒त्याप्ती॑र्जुहोति । सु॒वर्ग॑स्य
लो॒कस्या॑प्त्यै । भू॒तं भ॒व्यं भ॒विष्य॑दिति॒ प॒र्याप्ती॑र्जुहोति ।
सु॒वर्ग॑स्य लो॒कस्य॑ प॒र्याप्त्यै॑ । आ मे॑ गृ॒हा भ॑व॒न्त्वि॒त्याभू॑-
र्जुहोति । सु॒वर्ग॑स्य लो॒कस्या॑भू॒त्यै । अ॒ग्निना॒ तपोऽन्व॑भव॒-
दित्य॑नुभू॒र्जुहोति॑ । सु॒वर्ग॑स्य लो॒कस्यानु॑भू॒त्यै । स्वाहा-
धि॒माधी॑ताय॒ स्वाहेति॑ स॒मस्तानि॑ वैश्वदे॒वानि जु॑हो-
ति । स॒मस्तमे॒व द्वि॒षन्तं॑ आ॒तृव्य॑म॒ति॒क्राम॑ति ॥ ३ ॥

द॒द्भ्यः स्वाहा॑ ह॒नूभ्या॑ꣳ स्वाहेत्य॒ङ्गहो॑मां जुहोति ।
अ॒ङ्गे अ॒ङ्गे वै पु॑रुषस्य पा॒प्नोप॑श्चिष्टः । अ॒ङ्गाद॒ङ्गादे॒वैनं॑
पा॒प्नो न॒स्तेन॑ मुञ्चति । अ॒ञ्ज्ये॒ताय॒ स्वाहा॑ कृ॒ष्णाय॒
स्वाहा॑ श्वे॒ताय॒ स्वाहेत्य॑श्वरू॒पाणि॑ जुहोति । रू॒पैरे॒वैनंꣳ
स॒मर्द्ध॑यति । ओष॑धीभ्यः स्वाहा मू॒लेभ्यः॒ स्वाहेत्योष॑-
धि॒होमां॑ जुहोति । द॒व्यो वा ओष॑धयः । पु॒ष्पेभ्योऽन्याः॑
फ॒लं गृ॑ह्णन्ति । मू॒लेभ्योऽन्याः॑ । ता ए॒वोभ॑यीर॒वरु॑न्धे ॥
॥ ४ ॥

वन॑स्पतिभ्यः स्वाहेति वनस्पतिहो॒मां जु॑होति ।